



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

De amoris dominatu.

**urn:nbn:de:hbz:466:1-13534**

Quodq; discordis erebi tumultus,  
 Quod potest dirarum animos sororum  
 Flectere carmen.

Non potest tristis oculos puellæ,  
 Pectus aut trux uirginis, aut superbæ  
 Fœmnæ immiteis animos, feramq;  
 Vertere mentem.

DE AMORIS DOMINATV.

e T sitim sedat liquor, & relaxant  
 Corda languentum latices Thyonei.

Otium fessos leuat. ast amantum  
 Pectora carmen.

Tu meos seda o' erato' dolores.  
 Fas sit & tecum residere, fas fit  
 Carmen audire insolitum, & te ab alta  
 Rupe canentem.

Imperat cœlo pater ipse diuûm.  
 Imperant dij, semideiq; terris.  
 Imperat ponto Ennosigæus. imis  
 Orcus Auernis.

At polo, & terris, erebo, mariq;  
 Imperatq; & dis amor. huius orbis  
 Paret edicto, superiq; & omnis  
 Grex animantum.

Hoc sine & cœli status, & deorum  
 Pax ruet. terra hoc sine, pontus, aer,  
 Et laborabunt odio, & suapte  
 Mole dehiscant.

Vrbium custos amor, omniumq;

VERSUS

Gentium rector, placidaeq; pacis  
 Author, & leges moderatur, aequo &  
 Iure gubernat.

Huius & iussu seges, huius arbor  
 Induit florem. statuunt uolucres  
 Nidum, & in prolem pecudes, feræq;  
 Sponte feruntur.

Hoc duce & uirgo sequitur maritum  
 Et domo, & matris gremio relictis,  
 Hac ope humanum genus, & propago  
 Cuncta perennat.

Huius o' huius mihi mite numen,  
 Mite sit regnum dea, sit benignum  
 Sidus. o' assis facilis precanti  
 Dux bone amantum.

AD ANTINIANAM NYMPHAM  
 Iouis, & Nesis filiam.

o' Ades summo Ioue nata, & udis  
 Alta Nymphæ littoribus, reposto  
 Colle, quam Nesis genuit, superbo e-  
 Nisa sub antro.

O' ades mecum dea, dum relictis  
 Umbriæ campis, nemore & Sabino,  
 Te peto, Sebethiaden & amnem  
 Antiniana.

Assit & tecum comes illa quondam  
 Sueta nympharum choreis Patulcis,  
 Fistula insignis simul, & canoro  
 Nobilis æræ.